

# Messadi pertuccont la contribuziun al project «Schichtwechsel – La Surselva» 2022–2025

Preziau signur president dil parlament  
Stimadas parlamentarias, stimai parlamentararis

L'uniun «Schichtwechsel – La Surselva» ha sviluppu il davos dus onns in project d'exposiziun davart la diversitad geologica dalla Surselva. Il project cuoza plirs onns ed il liug principal ei il marcau da Glion. Per la finanziaziun fa l'uniun ina damonda da sustegn alla vischnaunca da domicil. Muort la dimensiun e muntada dil project suttametta la suprastanza communal quella decisiun al parlament communal.

## Idea dil project

In scazi dalla Surselva ch'ei savens zuppaus ei la multifariadad dalla crappa ch'ei carschida sur milliuns onns grazia allas particularitads tectonicas. L'uniun «Schichtwechsel – La Surselva» ha planisau in'exposiziun d'art unica cun quella varietad da crappa ensemen cun in vast program accumpignont.

Il cor dall'exposiziun sesanfla el marcau da Glion, nua ch'il focus schai el marcau vegl. Cun in'installaziun da crappa, blocs da crap e cumposiziuns da crap san quellas presentar lur bellezza e far surstar e patertgar il visitaders. La tschentada dalla crappa entscheiva sil plaz dalla staziun e cuntinuescha sur la Via dalla posta e la Via dil Glogn per arrivar tier igl emprem punct culminont sin la Piazza Cumin. Silsuenter setransferescha la crappa da tuttas sorts egl intern dil marcau vegl, nua ch'ei para sco sch'in congress havess liug, il qual ei vegnius spitgaus vess.

L'inscenaziun duei far impressiun als indigens ed als hosps e cuzzar treis onns naven dalla primavera 2022. In program accumpignont s'occupescha en differents aspects dalla tematica. Quel secumpona da teater, in'exposiziun accumpignonta el Museum Regiunal Surselva, concerts, referats da personas dil fatg, luvratoris, guidas da mira!Cultura, excursiuns etc. e duei cumpigliar l'entira regiun.

Cun quei project vul l'uniun rinforzar il svilup persistent dalla regiun e vitalisar quellas midadas cuntinontas cun novs patratgs tier il tema ambient, art e mistregn manual. E l'exposiziun unescha: Ils craps derivan da differentas regiuns dalla Surselva e vegnan reuni el center da Glion. Il medem mument colligia l'exposiziun numerus acturs dallas pli diversas branschas e secturs che s'engaschan comunablamein per la regiun Surselva.

## Purtaders dil project e cooperaziuns

Davos quei project stat l'uniun «Schichtwechsel – La Surselva» cun Rino Caduff, Glion, sco meinaproject e Christian Aubry, Glion, sco menader artistic dall'exposiziun. Per sustener il project vastamein e per contonscher la derasaziun turistica aspirada, vegn cooperau cun las suandontas organizaziuns:

- Museum Regiunal Surselva
- AnnaCatrina SA
- mira!cultura (AMAS)
- Cularta Laax
- Uniun da commerci e mistregn Glion e contuorn (HGVI)
- Surselva Turissem SA
- UNESCO arena tectonica Sardona

– Vischnaunca Ilanz/Glion

La vischnaunca vegn a sustener il project cun scaffir las cundiziuns da rama corrispundentas per la realisaziun dall'exposiziun (lubientschas da baghegiar, metter a disposiziun terren public) e tenor basegns metter a disposiziun atgnas prestaziuns (survetsch tecnic, serradas da vias etc.).

## Cuosts dil project e finanziaziun

Ils cuosts muntan a 1'010'000 francs e secumponan sco suonda (tabella ord la brochura):

Teil der Ausstellung Inhalt		CHF	2020		2021	
			Aufwand	Einnahmen	Aufwand	Einnahmen
Planung	Kunstaussstellung in der Stadt Ilanz Vorprojektkosten Einnahmen		40'000 Kostendeckend			
Realisierung	Kunstaussstellung in der Stadt Ilanz Projektkosten Einnahmen				456'000	
Vermittlung	Museum, Schulen, Exkursionen Projektkosten Einnahmen				144'000	
Rahmenprogramm	Theater, Matinée, Projektkosten Einnahmen				35'000	
Administration Diverse	Kunstaussstellung und Rahmenprogramm Projektkosten Einnahmen				215'000	
Marketing	Kunstaussstellung und Rahmenprogramm Projektkosten Einnahmen				120'000	
<b>Total</b>	<b>Aufwand</b>		40'000		970'000	
<b>Gesamtkosten</b>						<b>1'010'000</b>

### Finanzierungsplan

Amt für Kultur Graubünden	150'000	(15%)
Eigenleistungen Verein Schichtwechsle- La Surselva	200'000	
Gemeinden der Surselva	130'000	
Beiträge Dritter	150'000	( gesponsorte Leistungen)
Sponsoren, Gönner	300'000	
Beiträge aus Verkauf	80'000	
<b>Total Finanzierung</b>		<b>1'010'000</b>

## Contribuziun dalla vischnaunca da domicil

La damonda alla vischnaunca Ilanz/Glion cumpeglia las suandontas contribuziuns:

- Preproject CHF 30'000
- Project da baghegiar CHF 50'000
- Garanzia da deficit program accumpignont CHF 20'000

Per elaborar las basas dil project ha la suprastanza concediu gia la fin 2020 ina summa da 20'000 francs al preproject. Quella contribuziun fa part dalla damonda al parlament communal. Sch'il parlament approbass buca la contribuziun, vegness la contribuziun al preproject cudischada sur las competenzas finanzialas dalla suprastanza communal.

## Posiziun dalla suprastanza communal

La suprastanza communal sustegn il project e beneventa il fatg che privats han, malgrad il temps pretensius, la forza d'organisar in tal project. La rehezia naturala dalla Surselva fuorma la basa da quei project unic. El colligia fenomens geologics dalla natira, fuormas dalla cuntrada, il tractament cultural, igl ier ed oz, il marcauet da Glion cun siu contuorn. Las realisaturas ed ils realisaturs da quei project van aschia novas vias ed han mess ensemen in program ch'empermetta ina derasaziun che tschenta novas dimensiuns e che vegn a schar anavos valurs restontas. Aschia contribuescha il project all'attractivitat dalla vischnaunca e dalla regiun, seigi quei sco spazi da viver ni cultural, seigi quei sco liug economic e destinaziun turistica. Ultra da quei s'associescha il project alla finamira da metter pli fetg en scena il marcau vegl e dar dapli valeta ad el. Plinavon contribuescha il project alla finamira dil svilup dil center, el qual igl augment dall'attractivitat dil spazi exterior ei ina part impurtonta. Aschia ei il project integraus bein ella strategia dalla destinaziun el sector dil turissem cultural ed en accord cun la natira, denton era els intents per il svilup communal. Muort la pandemia da corona, che ha frenau e bloccau bia, ein novs projects ed iniziativas, che stimuleschan la veta economica e sociala, dubel aschi impurtonts.

## Propostas

Sin fundament dallas explicaziuns precedentas fa la suprastanza communal la suandota proposta al parlament communal:

- entrar ella fatschenta;
- approbar la contribuziun ell'altezia dad 80'000 francs ed ina garanzia da deficit ell'altezia da 20'000 francs per il program accumpignont.